

Gvangjsih Minzcuz Bau

Guenjbanh: Gvangsih Bouxcuengh Swcigih Minzcuz Cunghgyau Swvu Veijyenzei

Okbanj: Gvangsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2021 Nd.12 Ng.22 Liggaeuq sincouj nienz ndwenit cibgouj

Geizsoq: Gungh daih 3504 geiz

Aen Hoih Canghfanhoiz Saemjdingh Swz Moq Sawcuengh Bi 2021 Youq Liujcouh Hai

2021 年度壮语文新词术语翻译专家审定会在柳州召开

Ndwen 12 ngoenz 17 daengz ngoenz 20, Aen Hoih Canghfanhoiz Saemjdingh Swz Moq Sawcuengh Bi 2021 youz Cungguek Minzcuz Yijvwnz Fanhyiz Giz cawjbanh、Liujcouh Si Minzcunghveij bangbanh haenx youq Liujcouh hai. Baez hoih neix yungh gij fuengsik gwnz sienq laj sienq dox giethab hai, Swcigih Minzcunghveij fucujyin Veih Yungjhungz、Cungguek Minzcuz Yijvwnz Fanhyiz Giz fugiz-cangj Ginh Yinghgauj camgya aen gaihmsiz, 25 lai boux lauxhangz yozcej Vahcuengh Sawcuengh youq gak hangz gak nieb haenx camgya hai hoih.

Aen hoih giengzdih aeu nyinh-caen gvancez doeksaed gij cingsaenz Cibgouj Gaiq Roekcung Cienzhohi Dangj, daj ndaw ginglig bak bi buekguh dangj hag' aeu dungx-caiz, gaemdawz cukmaenh gij eiqsik caezcaemh Cunghvaz Minzcuz diuz sienqmeh guhhong minzcuz neix maenhmaenh bae, genheiz aen cungh-cij fugsah dangj caeuq guekgia、fugsah siuqsoq minzcuz caeuq dieg minzcuz, laebdin hong bonjfaenh, roxnyinh cwzyin cwngci caeuq sawmingh engq sang vih doidoengh sawvah minzcuz guh ndaej biucinj、gveihfan okrengz hung.

Baez hoih neix, lauxhangz Sawcuengh Vahcuengh saemjdingh le ca mbouj lai 300 aen swz moq 《Cibgouj Daih Dodauej Vwnzyen Youggaenj Senjbien》(cek gwnz), yaenglwnh aen swz gaxgonq saemjdingh gvaq miz yigen mbouj doengz de, dingq aeu gij genyi lauxhangz doiq hong saemjdingh swzmoq. Baez hoih neix, doiq caenh-itbouh guh ndei hong hawj Sawcuengh Vahcuengh lai biucinj、lai gveihfan, coicaenh seizgeiz moq hwngfat saeh-nieb sawvah minzcuz miz yiyouq-gaenj.

Ciuq cam rox, Cungguek Minzcuz Yijvwnz Fanhyiz Giz bi 2008

hainduj aen hanghmoeg gveihfan swz moq, daj bi 2010 hainduj, daengz seizneix, aen hoih lauxhangz saemjdingh swz moq Sawcuengh Vahcuengh gaenq youq Gvangsih、Yinznanz daengj dieg banh baenz 12 baez, saemjdingh le baugvat swz moq Sawcuengh Vahcuengh 23000 lai aen.

Gwnz gaihmsiz, Cungguek Minzcuz Yijvwnz Fanhyiz Giz soengq 《Cunghvaz Yinzminz Gunghozgoz Yenfaz》《Cwngfuj Gunghcoz Baugau》(bi 2021) banj Sawcuengh、《Sawloih Cuengh Gun Cihneix》hawj Liujcouh Si Minzcunghveij.

(Dangz Lungz)

Yungh Cuengh Gun Song Vah Daeuj Gangj Cingsaenz Cienzhohi Haeuj Simvunz

壮汉双语来宣讲 全会精神入人心

Mboengqneix, Bwzswz Si Yougyangh Gih youq Sinhcin Siujcin Bwzsiengz Segih guh aen hozdung gangj gij cingsaenz Cibgouj Gaiq Roekcung Cienzhohi. Baez hozdung neix, yungh Cuengh Gun song vah, hopheux gij cingsaenz Cibgouj Gaiq Roekcung Cienzhohi, yienhciegz doenggyaq eu fwen caeuq ciengjap vwndiz daengj, gangj aen dem aen saehsaed hawj vunzlai, hawj vunzlai dingq ndaej rox、lai roxyiuj, hawj gij cingsaenz Cibgouj Gaiq Roekcung Cienzhohi haeuj sim vunzlai bae.

(Lungz Dazyenz Vangz Fungdanh ingj)



Aen Camh Guhhong Faplwd Bangcoh Cuengh Gun Song Vah Daengx Guek Aen Nduj Venj Baiz Laebbaenz

全国首家壮汉双语法律援助工作站挂牌成立

Ndwen 12 ngoenz 17, Ginhcouh Si Ginhbwz Gih Yinzminz Fazyen、Ginhbwz Gih Swhfaz Giz youq Ginhcouh Si Ginhbwz Gih Yinzminz Fazyen Dasw Fazdingz lienzhab banh aen yizsiz biengj baiz “Aen Camh Guhhong Faplwd Bangcoh Cuengh Gun Song Vah”, neix dwg naeuz Aen Camh Guhhong Faplwd Bangcoh Cuengh Gun Song Vah daengx guek aen ndujlaeb youq fazdingz cingqsiq venjbaiz laebbaenz. Doengzseiz lij banh yizsiz biengj baiz “Fungh Guhhong Dazcwngz” yungh

mingzcoh boudiuzgaij Nungz Daz-cwngz heuh haenx Ginhbwz Gih Dasw Cin Yinzminz Diuzgaij Veij-yenzvei laeb youq Dasw Fazdingz. Neix dwg aen banhfap cauhoq Ginhcouh Si Ginhbwz Gih Yinzminz Fazyen、Ginhbwz Gih Swhfaz Giz guh hoz- dung saedguh suyenz ceihleix caeuq hengzguh “gou vih vunzlai banh saedsaeh”.

Aen yizsiz biengj baiz sat le, gyoenqgvunz camgya yizsiz caez yawjngonz Aen Cungsim Fugsah Dajgauq Dasw Fazdingz、Aen Camh

Guhhong Faplwd Bangcoh Cuengh Gun Song Vah caeuq Fungh Guhhong Dazcwngz daengj dieg, bae roxyiuj Aen Camh Guhhong Faplwd Bangcoh Cuengh Gun Song Vah caeuq Fungh Guhhong Dazcwngz baenzlawz guhhong.

Ciuq cam rox, Dasw Fazdingz guenj Dasw、Daciz、Nazmungz、Gveidaiz sei aen yanghcin, diegguej gyaeujvunz daih' iek 30 fanh, ndawde gyaeujvunz Bouxcuengh ciemq 70% doxhwnj, dwg dieg vunz Bouxcuengh youq lai aen si neix. Aen Camh

Guhhong Faplwd Bangcoh Cuengh Gun Song Vah caeuq Fungh Guhhong Dazcwngz haeuj youq fazdingz, dwg fazyen caeuq swhfaz giz guhhong diuzgaij dajgauq aen haidaeuz ndei, hab saedsaeh dangdieg, mboujdan fuengbienh vunzlai gak cuz cingjbaug faplwd bangcoh caeuq hawj ngaekngeu doxceng youq gihcwngz gaijgez, hix mizleih yinzminz fazyen doicaenh suyenz ceihleix caeuq fazyen hoizsoeng gij aplig anq lai vunz noix.

(Bangz Bingz Suh Dughmeiz)